

KALEM

List učenika i nastavnika Osnovne škole „Sapna“

Broj 16, septembar 2024—juni 2025. godine



ŠTA JE IZMEĐU KORICA?

Realizirani projekti	2
Pedagog: Kako zaštititi djecu od opasnosti interneta.....	4
Plakat: Februar—mjesec borbe protiv nasilja.....	5
Vijeće roditelja: Podrška školi.....	6
Početak školske godine.....	7
Dani jabuke i pekmeza.....	8
Dan učitelja.....	9
Dan škole.....	10
Tvrtko I Kotromanić—priredba i izložba.....	11
P.Š. „Nezuk“: Škola u prirodi.....	12
Dan državnosti	13
Dan nezavisnosti	14
Upis prvačića	15
Performans—Srebrenica	16
Ekskurzije	17
Posjeta Meorijalnom centru Potočari	19
Šampioni znanja	20
Učenik generacije	22
Humanitarne i društvene akcije	23
Akcija „Kupujmo domaće“	26
Kantonalno takmičenje u odbojci	27
Kantonalno takmičenje iz jezika i književnosti	28
Prosvjetarijada	29
Mali maturanti—5. razred	30
Maturanti—9. razred	31
Literarni kutak—Nedžla Dedić	37
Folklorna sekcija	39
Matematička križaljka	40
Likovni kutak	42
In memoriam	44

IMPRESSUM

List učenika i nastavnika Osnovne škole „Sapna“

Juni 2025. godine

IZDAVAČ:

Osnovna škola „Sapna“ Sapna

Adresa: Ulica 206. Viteške brigade bb

75411 Sapna

Telefon-fax: 035/599-015, 035/599-016

Glavni urednik:

Miralem Sejdinović

Redakcija:

Eldina Osmanbegović

Mirnes Poljaković

Almir Mešić

Alina Sejdinović

Admir Avdić

Sanela Nezirović

Lektor:

Edina Ahmetović

WEB:

<https://ossapna.skolatk.edu.ba>

E-mail:

os.sapna@montk.gov.ba

Facebook:

<https://www.facebook.com/Ossapna1/>

Grafički dizajn: Miralem Sejdinović

UVODNA RIJEČ GLAVNOG UREDNIKA

Poštovani učenici, roditelji, nastavnici i prijatelji naše škole!

Dobrodošli u novo izdanje školskog lista "Kalem", koji je i ove godine pun značajnih događaja i uspjeha. Kroz stranice ovog lista prenosimo vam radost zajedništva, uspjehe naših učenika i nastavnika, te aktivnosti koje obogaćuju našu školsku svakodnevicu.

Neka nas sve vodi želja za znanjem i tolerancijom, jer je upravo to temelj naše škole i naše Bosne i Hercegovine.

Srdačno!

Miralem Sejdinović



K A L E M

List učenika i nastavnika Osnovne škole „Sapna“

Broj 16, septembar 2024—juni 2025. godine

Realizirani projekti

Zamijenjeni svi podovi u Centralnoj školi



Uređenje školskog dvorišta u Područnoj školi u Vitinici i izgradnja sportskog terena na mjestu gdje se nalazio razrušeni objekat stare



Postavljanje opreme za fotonaponsku elektranu u Osnovnoj školi Sapna donosi uštede na električnoj energiji - zvanično puštena u rad solarna elektrana



Fotonaponska elektrana školi omogućava da proizvodi besplatnu električnu energiju, koja se koristi za potrebe škole, a eventualni višak se isporučuje električnoj mreži. Ovim dodatnim postrojenjem škola će značajno smanjiti troškove električne energije, čime se ostvaruju dugoročne uštede i unapređuje energetska efikasnost obrazovne ustanove.



Zajedno za sigurno djetinjstvo: Kako zaštititi djecu od opasnosti interneta i društvenih mreža

Dana 19. decembra 2024. godine, **pedagog naše škole, Amir Hodžić**, održao je izuzetno značajno i korisno predavanje za članove Vijeća roditelja na temu: „**Kako zaštititi učenike od ovisnosti o negativnim internet sadržajima, ali i nasilja putem društvenih mreža.**“

Predavanje je započelo osvrtom na savremeni digitalni svijet koji, iako donosi nebrojene prednosti, skriva mnoge zamke i opasnosti, posebno za najmlađe. Pedagog je istakao kako su učenici danas sve više izloženi štetnim sadržajima, neprimjerenim komunikacijama i nasilju putem društvenih mreža, što može ostaviti dugotrajne psihološke i emotivne posljedice.

Poseban naglasak stavljen je na značaj **saradnje između porodice i škole**, koja je ključni faktor u podizanju svijesti o zaštiti djece. Porodice i škole trebale bi zajedničkim snagama raditi na edukaciji djece o tome kako da prepoznaju opasnosti, kako da se zaštite i kome da se obrate u slučaju da dožive ili primijete neprihvatljivo ponašanje na internetu.



Ključne preporuke i savjeti za roditelje

- **Aktivna komunikacija s djecom:** Roditelji su ohrabreni da otvoreno razgovaraju sa svojom djecom o internetu, njegovim prednostima i rizicima, te da ih nauče kako prepoznati i izbjeći opasne situacije.
- **Postavljanje granica:** Predavač je naglasio važnost ograničavanja vremena koje djeca provode na internetu i omogućavanja digitalne detoksikacije, kako bi se osiguralo više prostora za kvalitetne aktivnosti.
- **Edukacija roditelja i djece:** Organizacija radionica, predavanja i edukativnih aktivnosti koje će pomoći i roditeljima i djeci da se bolje snalaze u digitalnom svijetu.

Primjeri iz prakse: Pedagog je podijelio konkretne situacije u kojima su učenici zbog zloupotrebe društvenih mreža bili izloženi cyberbullyingu, te dao savjete kako se takve situacije mogu prevenirati i riješiti.

Promocija kvalitetnog provođenja slobodnog vremena

Jedan od najvažnijih segmenata predavanja bio je usmjeren na podsticanje učenika da svoje slobodno vrijeme koriste **kvalitetno i korisno**. Roditeljima je preporučeno da podržavaju djecu u razvijanju zdravih navika, poput:

- Uključivanja u razne **sportske sekcije i aktivnosti**, što ne samo da razvija fizičke sposobnosti djece, već ih uči timskom radu, disciplini i odgovornosti.
- Angažovanja u kreativnim hobijima, kao što su likovno izražavanje, muzika, ples ili čitanje, čime se potiče razvoj njihove mašte i pozitivnog stava prema životu.

Organizovanja zajedničkih porodičnih aktivnosti, poput izleta, šetnji ili zajedničkog kuhanja, kako bi se ojačala porodična povezanost i smanjila potreba za prekomjernim korištenjem tehnologije.

Zaključak predavanja

Pedagog je zaključio predavanje riječima da je **proaktivno djelovanje ključ** u zaštiti djece od negativnih uticaja digitalnog svijeta. Kroz edukaciju, ljubav i dosljednost, roditelji i škola mogu zajedno stvoriti sigurno i podržavajuće okruženje u kojem će djeca rasti u sretne, zdrave i odgovorne individue.

Članovi Vijeća roditelja pohvalili su inicijativu i izrazili spremnost da aktivno učestvuju u budućim projektima koji će dodatno podići svijest o ovoj važnoj temi.

FEBRUAR—MJESEC BORBE PROTIV NASILJA

U svima našim odjeljenjima razrdnici su intezivirali predavanja i radionice sa svojim učenicima o nasilju kako bi osvijestili učenike o pojmu, prevenciji i posljedicama nasilja u školama.

Učenici su aktivno učestvovali u aktivnostima i tokom ostatka polugodišta smanjili pojave nasilnog ponašanja .



Vijeće roditelja Osnovne škole Sapna podržalo unapređenje školske opreme i sigurnosti

Vijeće roditelja Osnovne škole Sapna nastavilo je pružati dragocjenu podršku u poboljšanju uvjeta za nastavu i sigurnost učenika. Ovom prilikom, Vijeće je obezbijedilo nekoliko novih lopti za potrebe tjelesnog i zdravstvenog odgoja, omogućivši da svi objekti naše škole dobiju sportski materijal koji će unaprijediti rad na časovima tjelesnog odgoja.

Pored toga, za učionicu u centralnoj školi kupljena je nova tabla koja će doprinijeti kvalitetnijem radu u nastavi.

Također, Vijeće roditelja je obezbijedilo novu bravu za ulazna vrata u područnoj školi u Nezuku, čime su unaprijeđeni sigurnosni uvjeti za učenike i nastavnike.



PREGLED VAŽNIH DOGAĐAJA

2. septembar – Početak školske godine

Himnom i obraćanjem direktora ili rukovodioca škola počela školska godina. Sve učenike u učionice su uveli njihovi razrednici i podijelili im udžbenike besplatno na korištenje. Udžbenike je obezbijedilo Ministarstvo obrazovanja i nauke TK.



Naši predstavnici na manifestaciji "Dani jabuke i pekmeza"

Uposlenici Osnovne škole "Sapna", zajedno sa učenicima i roditeljima podržali manifestaciju Mješovite srednje škole "Sapna" - "Dani jabuke i pekmeza".

Primjetna je bila radost na licima i posjetilaca i izlagača.

Sa manifestacije su neki otišli punih ruku poslastica, a neki praznih posuda.



Obilježen Dan učitelja

Obraćanjem direktora škole i čitanjem pristiglih čestitki počelo je danas obilježavanje Svjetskog dana učitelja - 5. oktobra u našoj školi. Posebnu pažnju i radost nastavnicima je privukla projekcija učeničkih čestitki. Nakon čestitki uslijedilo je druženje nastavnika uz kafu i razgovor.



Prepuna školska fiskulturna sala - Proslavljen Dan naše škole

Dan Osnovne škole Sapna obilježava se svake godine 17. oktobra, a ove godine škola je proslavila 31. godišnjicu od kako nosi svoje ime. Program obilježavanja započeo je svečanom sjednicom Nastavničkog vijeća, a potom je uslijedila bogata priredba koju su pripremili učenici naše škole, a gosti na priredbi su bili članovi vokalnno-instrumentalnog sastava "Merak" iz sapanjske srednje škole. U kulturno-umjetničkom dijelu programa, učenici svih školskih objekata – centralne i područnih škola – pokazali su svoje talente kroz recitacije, glumu, ples i pjesmu. Cijela priredba odisala je kreativnošću i pozitivnim duhom naše škole.



Obilježavanje značajnih datuma...

Prvi bosanski kralj, Tvrtko I Kotromanić - priredba i izložba



U Centralnoj školi i njenoj Područnoj školi "Vitinica" obilježen Dan krunisanja kralja Tvrtka I Kotromanića. Tom prilikom održana je priredba u obje škole, gdje su učenici i nastavnici prikazali bogat program u čast prvog bosanskog kralja. Organizirana je i izložba panoa s radovima učenika, na kojima su prikazane scene iz života kralja Tvrtka i njegove vladavine. U svim objektima škole čitani su prigodni referati koji su podsjetili učenike na značaj ovog historijskog trenutka za Bosnu i Hercegovinu.



Škola u prirodi—Moje mjesto (učenici Područne škole „Nezuk“)

30.10.2024. učenici Područne škole “Nezuk” posjetili su spomenik ratnog heroja Hajrudina Mešića, kao i ostale lokacije u Nezuku. Bila je posebna prilika za učenje i odavanje počasti. U okviru nastave u prirodi, kroz tematske sadržaje “Ja u saobraćaju”, “Jesen” i “Spomenici u našem mjestu”, učenici su imali priliku da se dodatno upoznaju s historijom i značajem zavičajnih spomenika, kretanjem i ponašanjem u saobraćaju, karakteristikama godišnjeg doba jesen u našem mjestu. Tokom šetnje do spomenika, djeca su zastajala na značajnim lokalitetima, učeći kroz direktno posmatranje i objašnjenja nastavnika o važnosti svakog mjesta.



Dan državnosti: Dan ponosa, sjećanja i ljubavi prema domovini



Osnovna škola Sapna ove je godine svečano obilježila Dan državnosti Bosne i Hercegovine kroz niz bogatih i emotivnih aktivnosti, potvrđujući da ljubav prema domovini ostaje čvrsto utkane u srca svih generacija. Centralna škola u Sapni, u saradnji s Mješovitom srednjom školom Sapna, započela je obilježavanje polaganjem cvijeća na Centralnom spomen-obilježju u Sapni, odajući počast onima koji su svoje živote položili za slobodu i nezavisnost naše zemlje.



Nakon svečane ceremonije, program se preselio u sportsku dvoranu Sapna, gdje su učenici obje škole priredili zajednički kulturno-umjetnički program. Sala je bila ispunjena patriotskim pjesmama, recitalima, plesnim koreografijama i skečevima koji su dirnuli srca prisutnih. Publika je s oduševljenjem uživala u svakoj tački, a atmosfera je odisala ponosom i zajedništvom.

Svečano obilježavanje Dana državnosti nije se završilo samo u centralnoj školi. Sve područne škole Osnovne škole Sapna organizirale su vlastite programe, koji su bili podjednako privlačni i bogati. Učenici su recitovali stihove poznatih bosanskohercegovačkih književnika, izvodili predstave o historiji Bosne i Hercegovine te pjevali pjesme koje slave njenu ljepotu i vrijednosti.



Svečana proslava Dana nezavisnosti u Osnovnoj školi Sapna

Okupljanjem svih učenika u Sapni svečanim defileom, smo obišli centralno spomen-obilježje, položili cvijeće i odali počast onima koji su dali živote za našu slobodu. Naši koraci, puni ponosa, nastavili su se ka sportskoj dvorani, gdje je uslijedio svečani program – dvorana je bila ispunjena do posljednjeg mjesta, preplavljena emocijama, ljubavlju i osjećajem zajedništva.

Posebnu snagu ovom obilježavanju dali su i učenici i profesori srednje škole, koji su se pridružili ovoj manifestaciji, jer smo svi mi – jedno srce, jedan glas, jedna Bosna i Hercegovina! Ovaj dan je bio još jedan podsjetnik da se naša domovina voli, brani i gradi – znanjem, slogom i poštovanjem.



UPIS PRVAČIĆA

Upis u prvi razred za školsku 2025/2026. godinu u Osnovnoj školi Sapna uspješno je završen, a možemo reći da smo upisali 53 nova prvačića — 27 dječaka i 26 djevojčica! To je osam učenika više u odnosu na prošlu godinu.

Najviše učenika upisano je u Centralnoj školi Sapna, njih 14. Slijede Nežuk sa 12 prvačića, Gornja Sapna s 11, Vitinica s 10, Međeđa sa 4 te Goduš s 2 nova školarca. Svaki od njih donosi novu energiju i radost, a učitelji s nestrpljenjem iščekuju priliku da im otvore vrata znanja i prijateljstva.



"Nikada ne zaboravi – da se nikada ne ponovi": Performans učenika Osnovne škole Sapna povodom 30. godišnjice genocida u Srebrenici

Učenici Osnovne škole Sapna, iz centralne i područnih škola, dostojanstveno su obilježili 30. godišnjicu genocida nad Bošnjacima u Srebrenici izvedbom emotivnog performansa koji je bio ispunjen tišinom, poštovanjem i jasnom porukom – da se genocid nikada i nikome ne ponovi.

Prema uputama Ministarstva obrazovanja i nauke Tuzlanskog kantona, tačno u 12:00 sati, 11. juna 2025. godine, održana je jedinstvena aktivnost s ciljem njegovanja kulture sjećanja, razvijanja empatije i podsjećanja na važnost mira, istine i pravde. Datum održavanja performansa izabran je simbolično – 11. juni, kao jasna aluzija na 11. juli, Dan sjećanja na žrtve genocida u Srebrenici. Budući da učenici tada više nisu na nastavi, odlučeno je da se ova važna aktivnost realizuje ranije, kako bi i školska zajednica dala svoj doprinos kulturi pamćenja i opomene.

U znak poštovanja prema nevinim žrtvama, intonirana je državna himna Bosne i Hercegovine, a potom je emitovana potresna kompozicija Srebrenički inferno, koja je u tišini i suzama mnogih prisutnih dodatno oslikala dubinu boli koju ovaj zločin nosi.



Tragovima prošlosti i kulture: Nezaboravna stručna ekskurzija učenika u Tuzlu

Učenici, nastavnici, roditelji i rukovodstvo naše škole imali su čast i zadovoljstvo provesti nezaboravan dan u Tuzli, gradu bogate historije, kulture i tradicije. Na ekskurziji, koja je okupila ukupno 206 učenika od 1. do 5. razreda, 20 nastavnika, 3 roditelja, pomoćnika direktora i direktora škole, svi smo zajednički istraživali znamenitosti koje čuvaju priče o prošlosti i inspiraciju za budućnost. Dan smo započeli energično, polaskom ispred škole u ranim jutarnjim satima. Prva stanica bila je Narodno pozorište, gdje smo uživali u čarobnoj predstavi Crvenkapica. Uzbudjenje i oduševljenje mališana prenosilo se kroz svaki aplauz i osmijeh. Nakon kulturnog užitka, zaputili smo se ka Trgu slobode, gdje su učenici slušali zanimljiva predavanja o historijskom značaju ovog mjesta i bilježili trenutke fotografijama.

Istraživanje Tuzle nastavili smo kroz obilazak Sonog trga, Kapije, parka sa spomenikom kralju Tvrtku, te Biološke zbirke pri Muzeju Istočne Bosne, gdje je biološki kutak posebno privukao pažnju učenika. Posjeta Gradskoj biblioteci pružila je poseban uvid u važnost knjiga i kulture čitanja, dok su vjerski objekti u staroj gradskoj jezgri istakli bogatstvo duhovne raznolikosti grada. Poseban emotivni doživljaj bio je obilazak Memorijalnog centra u Gornjoj Kalesiji, gdje smo odali počast stradalim Bošnjacima. Predavanje kolegice Raseme Beganović, preživjele učesnice kolone smrti, dirnulo je sve prisutne i podsjetilo nas na važnost čuvanja sjećanja kako bi se spriječilo ponavljanje prošlih tragedija.



Sarajevo



Ekskurzija



Tuzla



Učenci osmih razreda posjetili Memorijalni centar Potočari



Učenci osmih razreda svih odjeljenja Osnovne škole Sapna, zajedno sa svojim nastavnicima i pratnjom, posjetili Srebrenicu i Memorijalni centar u Potočarima, u okviru godišnjeg programa rada škole. Ovo nije bila samo ekskurzija – bila je to lekcija iz života, lekcija iz čovječnosti, bola i pamćenja.

U tišini i s tugom u očima, djeca su hodala među bijelim nišanima, čitajući imena svojih sunarodnjaka, nevino ubijenih samo zato što su bili ono što jesu. Gledali su fotografije, slušali svjedočanstva, i pokušavali razumjeti nepojmljivo – kako je moguće da ljudska ruka nanese toliku bol? Nastavnici su s ponosom gledali svoje učenike, koji su, iako mladi, pokazali zrelost, suosjećanje i duboko poštovanje prema žrtvama. Jedan učenik je tiho rekao: „Ovdje srce zaboli, ali i ojača... Naučiš koliko je važno da budemo ljudi, jedni drugima.“ Mnogima su oči zasuzile, ne samo zbog tuge, već i zbog svijesti da se ovakvo nešto nikada i nikome ne smije ponoviti.

Ova posjeta je više od historijske pouke – to je opomena, zavjet i nada. Opomena da ne zaboravimo. Zavjet da pričamo istinu. Nada da ćemo graditi bolji, pravedniji svijet.

Učenci su se vratili kućama bogatiji za jedno neprocjenjivo iskustvo, s mislima koje će ih pratiti čitav život i riječima koje će, nadamo se, prenositi budućim generacijama: “Srebrenica nije samo mjesto – to je zavjet koji živimo.”



Znanje na tronu: Sapna slavi svoje šampione

Općina Sapna bila je domaćin pravog praznika znanja! U općinskoj sali, 14. novembra 2024. godine, održana je manifestacija "Šampioni znanja", na kojoj su briljantni umovi sapanjskih škola zasjali u punom sjaju.

Organizator, Asocijacija Proaktiva, u saradnji s Općinom Sapna, Osnovnom školom Sapna i Mješovitom srednjom školom Sapna, odlučio je uljepšati dan 20 učenika koji su svojim trudom i talentom ostvarili sjajne rezultate u školskim i vannastavnim aktivnostima. Nagrađeni učenici su ponosno primili priznanja i poklone, dok su njihovi roditelji pokušavali sakriti suze radosnice – neki uspješno, neki baš i ne.

Za dodjelu priznanja nije nedostajalo svečanosti. Čestitke su pristizale sa svih strana – od općinskog načelnika, preko direktora škola, pa sve do predstavnika Asocijacije Proaktiva. Atmosfera je bila puna emocija, ali i smijeha, jer neko nije mogao sakriti uzbuđenje pa je na bini zaboravio svoje priznanje. Na sreću, prijatelji su priskočili u pomoć!

A ko su ovi mladi genijalci? Lista je duga, ali vrijedna svakog slova: Ahmetović Madžid, Alić Sejad, Dedić Nedžla, Dedić Sumeja, Hamzić Hamza, Hamzić Iman, Husejnović Fatina, Husejnović Sarah, Junuzović Selima, Majlović Ajla, Nezirović Nezir, Osmanović Ajša, Salihović Adin, Selimović Sadija i Tabaković Medina.

Događaj je upotpunio veseli kulturno-zabavni program u izvedbi učenika Osnovne i Srednje škole Sapna.

Publika je uživala u talentima mladih izvođača, a osmijesi na licima su potvrdili – znanje je i te kako zabavno! Šampionima znanja čestitamo i poručujemo: "Budite uvijek tako sjajni, a mi ćemo za svaki vaš uspjeh pronaći povod za slavlje!"

Šampioni znanja 2024

Husejnović Sarah



Rođena 17.08.2013. godine u Tuzli

VI-2 razred JU OŠ „Sapna“

Odlična učenica.

Osvajala razne nagrade na literarnim i likovnim konkursima, te na takmičenjima u odbojci. Pored sporta i umjetnosti jako voli jezike.

Šampioni znanja 2024

Hamzić Iman



Rođena 27.09.2013. godine u Tuzli

VI-1 razred JU OŠ „Sapna“

Odlična učenica.

Federalni je prvak u karateu za djevojčice. Pored sporta zainteresovana je za Matematiku, umjetnost i jezike.

Šampioni znanja 2024

Dedić Nedžla



Rođena 26.12.2011. godine u Tuzli

VII-1 razred JU OŠ „Sapna“

Odlična učenica.

Učestvovala i nagrađivana za literarne i likovne radove, a također osvajala nagrade na takmičenjima iz predmeta Matematika, Historija, Bosanski jezik i Engleski jezik.

Šampioni znanja 2024

Husejnović Fatina



Rođena 09.05.2011. godine u Velikoj Kladuši

VIII-3 razred JU OŠ „Sapna“

Odlična učenica.

Učestvovala i osvajala nagrade iz predmeta Bosanski jezik, Engleski jezik, Matematika, i Likovna kultura. Pored ovih predmeta voli sport, umjetnost, prirodne i društvene nauke.

Šampioni znanja 2024

Junuzović Selima



Rođena 22.11.2009. godine u Tuzli

JU OŠ „Sapna“

Odlična učenica.

Učestvovala i osvajala nagrade iz predmeta Matematika, Bosanski jezik, Tehnička kultura. Pored toga, zainteresovana je za umjetnost, sport i folklor.

Šampioni znanja 2024

Majlović Ajla



Rođena 26.02.2010. godine u Tuzli

IX-2 razred JU OŠ „Sapna“

Odlična učenica.

Učestvovala je i nagrađivana na takmičenjima iz predmeta Matematika, Engleski jezik, Historija i Likovna kultura. Zainteresovana je za umjetnost, jezike, i prirodne nauke.

Hamzić Hamza



Rođen 15.01.2010. godine u Zvorniku

IX-2 razred JU OŠ „Sapna“

Odličan učenik.

Federalni je prvak u karateu za dječake. Pored sporta zainteresovan je za Matematiku, Fiziku i društvene nauke.

Alić Sejad



Rođen 04.12.2010. godine u Tuzli

VIII-1 razred JU OŠ „Sapna“

Odličan učenik.

Najveće uspjeh postigao u nogometu sa svojom ekipom Tuzla City sa kojima je osvojio prvenstvo Bosne i Hercegovine u nogometu za mlade uzraste.

Salihović Adin



Rođen 01.01.2011. godine u Tuzli

VIII-2 razred JU OŠ „Sapna“

Odličan učenik iz svih predmeta.

Učestvovao i nagrađivan na takmičenjima iz predmeta Matematika, Bosanski jezik, Engleski jezik i Geografija. Pored ovih predmeta zainteresovan je za sport, prirodne i društvene nauke.

Selimović Sadija



Rođena 11.12.2009. godine u Tuzli

IX-5 razred JU OŠ „Sapna“

Odlična učenica.

Učestvovala i nagrađivana na takmičenjima iz predmeta Bosanski jezik, Matematika i Fizika. Pored ovih predmeta zainteresovana je za sport, umjetnost i jezike.

Nezirović Nezir



Rođen 15.07.2011. godine u Tuzli

VIII-4 razred JU OŠ „Sapna“

Odličan učenik.

Najveće uspjeh postigao u nogometu sa svojom ekipom Tuzla City sa kojima je osvojio prvenstvo Bosne i Hercegovine u nogometu za mlade uzraste.

Ahmetović Madžid



Rođen 24.06.2011. godine u Tuzli

VIII-1 razred JU OŠ „Sapna“

Odličan učenik.

Učestvovao i nagrađivan na takmičenjima iz predmeta Geografija i Matematika. Zainteresovan je za prirodne nauke i sport.

Tabaković Medina



Rođena 15.05.2010. godine u Tuzli

IX-1 razred JU OŠ „Sapna“

Odlična učenica.

Učestvovala i osvajala nagrade na takmičenjima iz predmeta Bosanski jezik, Engleski jezik, Matematika, Islamska vjeronauka i Historija. Pored ovih predmeta zainteresovana je za umjetnost, jezike, prirodne i društvene nauke.

Dedić Sumeja



Rođena 09.03.2010. godine u Tuzli

IX-3 razred JU OŠ „Sapna“

Odlična učenica.

Učestvovala i osvajala nagrade na takmičenjima iz Bosanskog jezika – konkursi iz literarnih radova, zatim Matematike i Engleskog jezika.

Osmanović Ajša



Rođena 20.05.2010. godine u Tuzli

IX-5 razred JU OŠ „Sapna“

Odlična učenica.

Učestvovao i nagrađivan na takmičenjima iz predmeta Likovna kultura, Fizika i Matematika. Pored ovih predmeta zainteresovana je za umjetnost i sport.

Učenik generacije—Seldin Muharemović



Ime roditelja: Senad i Samira

Rezultati na takmičenjima :

- 1. mjesto na općinskom takmičenju iz Bosanskog jezika i književnosti
- 1. mjesto na općinskom takmičenju iz Islamske vjeronauke
- 1. mjesto na općinskom takmičenju iz Tehničke kulture
- 2. mjesto na općinskom takmičenju iz Matematike
- 2. mjesto na općinskom takmičenju iz Engleskog jezika

Najznačajniji rezultati u vannastavnim aktivnostima :

- Učestovanje u dramskoj sekciji škole i mnogim priredbama
- Učestvovanje na kantonalnim takmičenjima iz programa na upozoravanje na opasnost od mina.

Osnovna škola Sapna s ponosom objavljuje da je titulu **učenika generacije** za školsku 2024/2025. godinu zaslužio ponio **Seldin Muharemović**. Seldin Muharemović, rođen 4. aprila 2010. godine u Tuzli, svoje osnovno obrazovanje započeo je upravo u našoj školi, gdje je od prvih školskih dana pokazivao izuzetnu marljivost, odgovornost i ljubav prema učenju.

Tokom svih devet razreda bio je primjer izuzetnog učenika — svaku školsku godinu završavao je s odličnim uspjehom i primjernim vladanjem.

Znanje i uspjesi

Seldin se posebno istakao na takmičenjima iz prirodnih nauka — matematike i fizike, ali i u društvenim predmetima kao što su bosanski jezik i književnost, engleski jezik i vjeronauka, gdje je ostvarivao zapažene rezultate.

Pored nastavnih obaveza, bio je aktivan i u brojnim vannastavnim aktivnostima, dajući značajan doprinos životu škole i izvan učionice.

Ličnost i primjer vršnjacima

Ono što Seldina dodatno izdvaja je njegova skromnost, radna disciplina, vedrina i spremnost da uvijek pruži pomoć drugima. Time je ostavio snažan pozitivan utisak na svoje vršnjake, nastavnike i sve koji su s njim imali priliku sarađivati.

Kruna uspjeha

Titula učenika generacije je kruna njegovog višegodišnjeg truda, posvećenosti i uspjeha.

Osnovna škola Sapna ponosna je što je imala priliku biti dio njegovog školskog puta i što ovakvog učenika može predstaviti kao uzor budućim generacijama.

Čestitamo Seldinu Muharemoviću i želimo mu mnogo sreće i uspjeha na narednim stepenicama obrazovanja i u životu!

HUMANITARNE I DRUŠTVENE AKCIJE

Na bazarima i kupovinom markica prikupljena značajna novčana sredstva za djecu iz poplavljenih područja Jablanice.

1. Akciju koju je provodila HO "EMAUS"—kupi stiker, na osnovu saglasnosti Ministarstva obrazovanja i nauke TK. Nosiocu aktivnosti, ovoj organizaciji ukupno smo predali **688 KM**.
2. Bazar zdrave hrane i proizvoda učenika i roditelja u Područnoj školi u Vitinici, organizovan 22.10.2024. godine, na kojem je prikupljeno 464 KM i 435 €, uz dodatni iznos 650 KM od nekoliko donator, osoba koje su sa svojim priložima dali podršku ovoj velikoj i lijepoj ideji djece. Što ukupan iznosi povećava na **5.957,90 KM**
3. Bazar – pomoć ugroženim u poplavama, Vijeća učenika i Vijeća roditelja OŠ Sapna, organizovan 07.11.2024. godine, na kome je sakupljeno 5025 KM i 165 €, što ukupno čini iznos od **5.345,10 KM**
4. Dobrovoljni mjesečni prilozi uposlenika OŠ Sapna.





Dana, 27.11.2024. godine, tim iz Osnovne škole "Sapna" posjetio je poplavljena područja Jablanice kako bi pružio pomoć i uručio prikupljena sredstva ugroženim porodicama, posebno onim koje su bile pogođene poplavama i čiji su domovi pretrpjeli veliku štetu. U delegaciji su se nalazili:

- Muzijet Kahrimanović, direktor škole
- Indira Salihović, predsjednica Vijeća roditelja
- Hamza Hamzić, predstavnik Vijeća učenika
- Salim Husejnović, nastavnik

Cilj posjete bio je uručiti pomoć porodicama učenika škole koje su pretrpjele štetu usljed poplava. Pomoć je bila u vidu novčanih donacija koja će djeci i roditeljima pomoći da saniraju štete i obnove porodične domova do zime.



Humanitarna akcija: “Ramazan - moja prilika darivanja”



I ove godine smo se uključili u humanitarnu akciju naše škole za potrebe Humanitarne organizacije “Help Others” i njihove narodne kuhinje pod nazivom: “Ramazan moja prilika darivanja.”

Učenici devetih razreda Osnovne škole Sapna, P.Š. Vitinica svoje zadnje časove posvetili su akciji razvoja ekološke svijesti

Svoj zadnji dan osnovnoškolskog obrazovanja učenici su realizovali kroz zajednički aktivizam i ekološku akciju na putnim pravicima koji vode do njihove škole, oko objekata škole, mjesne zajednice i ambulate, te time pokazali veliku društvenu odgovornost, a nakon toga uživali u zajedničkom druženju.



Akcija "Kupujmo domaće"



Djeca su u okviru akcije kupovala razne bosanske proizvode i donosila ih u svoju školu. Na ovaj način su u učionici učila o raznovrsnim domaćim proizvodima, njihovoj kvaliteti i značaju za razvoj lokalne zajednice. Učenici su razgovarali o tome zašto je važno podržavati domaće proizvođače te su kroz praktične primjere sticali znanja o ekonomskim i društvenim koristima ovog čina.



Uspješno održano kantonalno takmičenje u odbojci za učenice!

U organizaciji Školskog sportskog saveza Tuzlanskog kantona i Sportskog saveza TK, uz saglasnost i pokroviteljstvo Ministarstva obrazovanja i nauke TK, te nesebičnu podršku općine Sapna i izvanrednu organizaciju Osnovne škole Sapna, 4. aprila 2025. godine Sapna je bila domaćin kantonalnog takmičenja u odbojci za učenice VIII i IX razreda. Na ovom prestižnom događaju učestvovalo je čak 13 ekipa iz cijelog kantona, što samo po sebi govori o veličini i značaju ove sportske manifestacije.

Takmičenje je proteklo u izuzetno pozitivnoj i borbenoj atmosferi, uz naglašeni ferplej i sportski duh koji su krasili sve učesnice. Organizacija događaja bila je na vrhunskom nivou – domaćini su se pobrinuli da svaki gost osjeti toplinu, poštovanje i gostoprimstvo koje Sapna uvijek s ponosom pruža.

Posebne čestitke idu Osnovnoj školi "Tušanj" iz Tuzle, koja je zauzela prvo mjesto, Osnovnoj školi "Lukavac Grad" koja je bila druga, te Osnovnoj školi "Brčanska Malta" iz Tuzle koja je osvojila treće mjesto.

Naša Osnovna škola "Sapna" osvojila je izvanredno četvrto mjesto – rezultat vrijedan divljenja, posebno kada se zna da je riječ o mladoj, perspektivnoj ekipi koja je pokazala nevjerovatnu borbenost, zajedništvo i sportski duh. U konkurenciji 13 izuzetno jakih ekipa, ovo je uspjeh koji se ne zaboravlja!



Osnovna škola Sapna zasjala kao domaćin kantonalnog takmičenja iz jezika i književnosti

Osnovna škola Sapna imala je čast biti domaćin jednog od najznačajnijih događaja u obrazovnom kalendaru Tuzlanskog kantona – kantonalnog takmičenja iz bosanskog, hrvatskog i srpskog jezika i književnosti za učenike šestog, sedmog i osmog razreda. Ovaj istinski praznik jezika i znanja okupio je 70 učenika iz čak 45 osnovnih škola s područja cijelog kantona, pružajući mladim lingvistima priliku da pokažu svoj talenat, trud i ljubav prema jeziku.

Takmičenje je proteklo u izuzetno nadahnutoj, pozitivnoj i takmičarskoj atmosferi, a organizacija i gostoprimstvo škole domaćina – Osnovne škole Sapna – bili su na zavidnom nivou.

U kategoriji šestih razreda, briljirala je Ena Taraniš iz OŠ "Hasan Kikić", osvojivši prvo mjesto. Drugo mjesto pripalo je Irmeli Hamzić iz OŠ Čelić, dok je treće mjesto zauzeo Harun Jusufović iz Prve osnovne škole Srebrenik.

Među sedmašima, najuspješnija je bila Merjem Mušanović iz OŠ Slavinovići. Drugo mjesto osvojila je Leila Randall iz OŠ Hasan Kikić Gračanica, a treće Ajla Mujabašić iz OŠ Miladije.

U kategoriji osmog razreda, prvo mjesto odnijela je Sara Buljić iz OŠ Brijesnica Doboj Istok. Drugo mjesto zauzela je Merjema Hodžić iz OŠ Lukavica Gračanica, a treće mjesto osvojila je Džejla Hujdurović



Sapna zasjala na 2. Prosvjetarijadi u Ajdinovićima



SRC Ajdinovići bio je domaćin 2. Prosvjetarijade, koja je održana 18. maja 2025. godine, a među brojnim učesnicima posebno se istakla ekipa iz Sapne. U zajedničkoj organizaciji Osnovne škole Sapna i Mješovite srednje škole Sapna, formirana je najbrojnija delegacija učesnika, koja je pokazala izuzetne sportske vještine, timski duh i borbenost.

Predstavnici Sapne takmičili su se u svim disciplinama: mali fudbal, odbojka, basket, atletika i šah, ostavljajući snažan dojam kako na terenu tako i van njega.

U malom fudbalu muška ekipa iz Sapne briljirala je kroz cijeli turnir i zaslužno osvojila zlatnu medalju, pokazavši nadmoćnu igru i vrhunsku fizičku pripremljenost. Ništa manje uspješne nisu bile ni dame iz Sapne, koje su u konkurenciji ženskih odbojkaških timova osvojile bronzanu medalju, demonstrirajući borbenost, složnost i sportski entuzijazam.

Učestvovanje u ovoj manifestaciji bilo je više od sportskog nadmetanja – to je bila prilika za druženje, jačanje profesionalnih veza i afirmaciju prosvjetnih radnika kao važnih aktera u razvoju lokalne zajednice.



Mali maturanti

V-1 i V-4

Kao i svake školske godine, tako i ove, upriličen je ispraćaj malih maturanata (učenika V razreda). Ispraćaj malih maturanata ove školske godine zasjaio je u pravom sjaju, a cjelokupnu ceremoniju organizirale su razrednice V₁ i V₄ razreda— Rasema Beganović i Sanela Nežirović— dana 13. 06.2025.godine. Svečanost je imala niz aktivnosti, između ostalog: okupljanje učenika i roditelja ispred škole (fotografisanje), druženje u školskom holu učenika, roditelja, nastavnika, direktora i pedagoga škole, defile maturanata u holu škole (silazak niz stepenice).

Nakon toga organiziran je defile učenika kroz centar grada, a na kraju druženje i zabava u sportskoj hali. Tokom zabave organiziran je i izbor misice i mistera male mature, najljepšeg stajlinga i mis šarma. Učenici su se zaista lijepo i ugodno zabavili, i biće to jedno veliko dječije iskustvo – doživljaj koji se ne zaboravlja.



Želimo im sretan završetak jednog predivnog životnog doba – perioda u kojem se postavljao i gradio temelj njihove ličnosti, razvijalo socijalno i duhovno biće, te usađivale moralne i odgojne vrijednosti u svakom od njih.

Neka im školski i životni koraci u budućnosti budu lahki, i neka budu spremni na nove školske i životne avanture.

"Učiteljice su im bile prve prave prijateljice!"

Tekst i foto:

Rasema
Beganović,
prof. razredne



Maturanti - IX razred



O.Š. "SAPNA"



2024/2025.





Muhamed Ibrašević
razrednik



Merisa Omerović
nastavnica engj.



Nešad Huremović
nastavnik tjelesnog nastavnika matematike



Sumedin Memić
pedagog



Amir Hodžić
pedagog



Almir Mešić
pom. direktora



Muzijet Kahrmanović
direktor



Fatima Tabaković



Elmana Smajlović



Emajla Suljkanović



Mahira Alić

IX-1 GENERACIJA 2024/2025 MATURANTI



Džejla Duraković



Almedina Džanić



Rašid Džanić



Ermin Memić



Harun Smajlović



Šejla Hamzić



Aldisa Ramić



Medina Salihović



Melina Hrustić



Alija Mehčić



Hamza Hamzić



Galib Gušić



Ramira Duraković



Medina Tabaković

JAVNA USTANOVA OSNOVNA ŠKOLA "SAPNA"



Dževad Ahmetović
razrednik



Kanita Ahmetović
nastavnica



Nešad Huremović
nastavnik



Sumedin Memić
nastavnik



Amir Hodžić
pedagog



Almir Mešić
pom. direktora



Muzijet Kahrmanović
direktor



Ajla Selimović



Almina Ahmetović



Lamija Mumić



Elma Selimović



Nermina Hamzić



Samila Džinić



Ajla Majlović



Azra Omerović



Fikret Ahmetović



Ilhad Ahmetović



Alija Durgutović



Seldin Muharemović



Nerma Hamzić



Amina Dedić



Emil Ahmetović



Hamza Hamzić



Čazim Avdić



Alma Muharemović



Erna Hamidović

IX-2 GENERACIJA 2024/2025 MATURANTI



Ilijaz Gušić
razrednik



Merima Mešić
nastavnica



Kanita Ahmetović
nastavnica



Vahdeta Kahrmanović
nastavnik



Samedin Memić
nastavnik



Amir Hodžić
pedagog



Almir Mešić
pom. direktora



Muzijet Kahrmanović
direktor



Sumeja Dedić



Jasmina Brzović



Šejla Ibrahimović



Amina Redžepović

IX-3 GENERACIJA 2024/2025 MATURANTI



Ardinela Nočić



Albin Omerović



Edin Kahrmanović



Aidin Ahmetović



Ajdin Hodžić



Jasmin Mustafić



Nermina Omerović



Adna Omerović



Vedad Ramić



Ramo Osmanović



Seldin Salihović



Elmir Ibrahimović



Ahmo Salihović



Ajla Mehić



Nermina Smajlović
razredna



Salim Husejnović
nastavnik bos.j.



Denis Hadžić
nastavnik eng.j.



Mirnes Poljaković
nastavnik matematike



Sanela Latifović
učiteljica



Zana Alić
pedagogica



Almir Mešić
pom. direktora



Muzijet Kahrmanović
direktor



Sadmir Kahrmanović



Elmin Hasanović

GENERACIJA 2024/2025

MATURANTI



Melisa Kahrmanović



Ajla Smajlović



Lejla Suljić



Selima Junuzović



Ilda Hamidović



Adna Smajlović



Ernad Omerović



Senid Salihović



Vedad Nuhanović



Anes Smajlović



Armin Hasanović



Elvin Bešić



Esmin Muratović



Gordana Delić
razredna



Salim Husejnović
nastavnik bos.j.



Denis Hadžić
nastavnik eng.j.



Mirnes Poljaković
nastavnik matematike



Mersiha Spahić
učiteljica



Zana Alić
pedagogica



Almir Mešić
pom. direktora



Muzijet Kahrmanović
direktor

IX-5

MATURANTI

GENERACIJA
2024/2025



Minela Poljaković



Ajša Nuhanović



Ajša Osmanović



Maida Omerović



Sadijja Selimović



Sara Husić



Aldina Memić



Emir Mehmedović



Hašim Memić



Husejin Latifović



Emelin Salihović



Alija Halilović



Enis Garibović



Admir Memić

LITERARNI KUTAK

Predstavljamo literarni rad učenice Dedić Nedžle—VII₁

LITERARNI RADOVI U TOKU OVE ŠKOLSKE GODINE I OSVOJENA MJESTA:

- **Konkurs BZK "Preporod" Zvornik** u povodu Dana nezavisnosti BiH **Tema: "U tebi, zemljo, nastao" – prvo mjesto**
- **Konkurs Općine Sapna – "Dani odbrane Sapne" Tema: "Šta su meni borci Dvjesto šeste" – prvo mjesto**
- **Konkurs Općine Sapna** u povodu Dana državnosti BiH **Tema: "Ljepota moje domovine" – prvo mjesto**
- **Konkurs Udruženja policije "Manevarac" Tuzla** u povodu obilježavanja 15. maja 1992. – Dana odbrane Tuzle **Tema: "Heroji u plavom" – prvo mjesto**
- **Konkurs MZ Kovačevići** u povodu obilježavanja Dana mjesne zajednice **Tema: "Bitka koja se pamti" – prvo mjesto**
- **Konkurs OŠ "Sapna"** u povodu obilježavanja oktobra – Mjeseca knjige **Tema: "Knjiga je najbolji prijatelj" – prvo mjesto**
- **Konkurs "Dani Hasana Kaimije" Tema: "Živ čovjek složeniji je od svemira." – drugo mjesto**

BITKA KOJA SE PAMTI

Na brdu visokom, zavijenom mukom,
gdje vjetrovi šapuću prošlost s tugom,
stoji zemlja, krvlju natopljena,
al' ponosna, hrabra, nikad pokorena.

Martovsko jutro, hladno i sivo,
a nad Kovačevićima nadvilo se zlo živo.
Kolone tenkova k'o zmije puze,
noseći tamu i olovne suze.

Ali na brdu, stisnute šake,
stoje junaci – hrabri, bez straha.
Ne bježe, ne mole, ne daju tlo,
jer ovo je njihovo – rodno gnijezdo!

Prvi je grom udario snažno,
nebo se zatreslo, sve bješe važno.
Prva granata, zemlja se lomi,
al' borac ne pada, srce se ne slomi.

Oči im plamte, ruke su jake,
ne daju svoje, ne daju majke!
Ne daju očeve, djecu ni dom,
brdo je ponos – vječni njihov tron!

Kroz dim i vatru, kroz prašinu gustu,
dok neprijatelj misli da kroči u pustu,
juriš im kvari otpor taj žilav,
borac se ne da – inat je to silan!

I kad se sunce nagnu niz rijeku,
kad zadnje metke ispali neko,
ostade brdo, osta i zemlja,
osta im poruka: Ovo je Bosna!

I krenuše oni što dođoše prvi,
ostavljajući pepeo, spaljene krvi.
Povukoše korak, pogeli glave,
jer ovdje se zna ko ostaje hrabro
dalje!

Neprijatelj reče – Brdo smrti!
i to ime ponosno nosi.
Jer ovdje su pali, ovdje su stali,
ovdje im snovi u prah su pali!

To nije brdo gdje nade umiru,
već stijena što pamti one što prkos
pišu.
Mjesto gdje hrabrost jača je od straha,
gdje domovina nije nestala poput
praha.

Na Kovačevićima sad mirno je jutro,
ali zemlja pamti svako prokletstvo.
Neće zaborav prekriti ime,
neće nestati istina njime.

Jer gdje je krv prolivena čista,
gdje duša junaka još uvijek blista,
tu narod diše, tu snaga traje,
tu vatra otpora nikad ne staje!

Pa nek' se pamti, nek' vječno stoji,
svaka suza, uzdah što boli.
Jer Brdo smrti priču ima,
o hrabrim ljudima i njihovim snima!

NEDŽLA DEDIĆ, VII₁

KNJIGA JE NAJBOLJI PRIJATELJ

Dok većina mojih vršnjaka prijatelje traži na društvenim mrežama, ja sam svog najboljeg prijatelja našla na polici u svojoj sobi – u obliku knjige. Ako postoji nešto što me nikada nije iznevjerilo, sto me uvijek dočekalo otvorenih ruku, to su knjige. Svako ima prijatelja sa kojim dijeli svoje tajne, snove i nade, a za mene su to upravo knjige. One su tihe, ali govore hiljadu jezika. One su strpljive, čekaju me da im se vratim kad god poželim I nikada ne sude, bez obzira Koliko dugo ostanem daleko od njih. One su moj najbolji prijatelj – uvijek prisutne, uvijek tu kadi h trebam.

Sjećam se kako sam kao mala djevojčica sa oduševljenjem listala prve slikovnice. Boje, likovi i priče koje su izlazile iz stranica kao da su bile čarobne. Tada još nisam znala čitati ali sam osjećala povezanost s tim svijetom. Mama bi mi čitala priče, a ja bih zatvorenih očiju zamišljala tajne šume, daleke kraljevine i junake hrabre poput lavova. Tada sam shvatila da knjige nisu samo skup riječi – one su mjesta gdje se kriju najdublji osjećaji, avanture i mudrosti.

Kako sa rasla tako su se i moje knjige mijenjale, vise to nisu bile samo slike i jednostavne rečenice. Knjige su postale moj putokaz, vodič kroz život. Kada sam se osjećala usamljeno uvijek sam se mogla okrenuti nekoj knjizi. One su moj najbolji prijatelj jer su uvijek tu kada ih trebam. Kada mi se čini da niko ne razumije kako se osjećam, pronađem lik koji prolazi kroz iste borbe kao i ja. Kada mi treba savjet ozvorim knjigu I iz nje izvučem mudrost koja mi nedostaje. Čak i kada pomislim koliko je život nepravedan, u knjigama pronađem nadu i utjehu da može biti bolji. Kroz druženje i razgovore shvatim da neki moji prijatelji i ne vole čitati, mnogi čak misle da je to gubljenje vremena, ali meni je svaka knjiga kao razgovor sa prijateljem koji me nikada neće napustiti.

Kniga mi pruža nešto što nijedna osoba ne može – vrijeme i da budem sama sa sobom, da preispitam svijet i sebe u njemu. Neki od mojih najdražih trenutaka koje imam sa knjigama je čitanje tokom kišnog dana. Zvuk kiše na prozoru, topla deka i knjiga u rukama – moj savršen trenutak. U tim trenutcima, kada zaronim u njene stranice, vanjski svijet može biti toliko bučan, ali unutar knjige sve postaje mirno, opuštajuće...

U prijateljstvu sa knjigama nema očekivanja! Nema pritiska! Kada god otvorim knjigu znam da sam na sigurnom mjestu. Svaki lik postaje moj prijatelj, svaki događaj moja pustolovina. Knjige me vode kroz svijetove koje možda nikada neću vidjeti ali ih mogu živjeti kroz rijeci. S njima se ne osjećam usamljeno, jer dok čitam, stvaram vezu sa autorom, likovima i svijetom koji su zajedno izgradili.

Zato, ako me pitate ko je moj najbolji prijatelj, bez oklijevanja ću reći: KNJIGA!

Ona me nikada neće iznevjeriti, neće se promijeniti ili me ostaviti. Bit će tu i sutra i za deset godina, čekajući me da ponovo otvorim njene stranice. S knjigom nikad nisam sama, a svaka stranica mi nudi novo prijateljstvo, novu pustolovinu i lekciju.

Nedžla Dedić, VII₁



Folklorna sekcija

*Osnovna škola
Lapna*

MATEMATIČKA KRIŽALJKA

Ispuni križaljku tako što ćeš prvo riješiti zadatke ,onda rješenja od zadataka upiši slovima u predviđene horizontalne redove tako što ćeš slovima unijeti rezultat i to svako slovo jedan kvadratić.Kada uneseš sva rješenja vertikalno ćeš dobiti rješenje križaljke.Sretno!

1. Dopuni definiciju : Vektori koji imaju jednake intenzitete ,isti pravac ,suprotan smjer zovemo _____

2. Riješi jednačinu : $2x+1 = 7$

3. Dopuni definiciju : Dio ravni ograničen mnogouglaom linijom uključujući i tu liniju zovemo _____

$$\frac{6\sqrt{21+\sqrt{16}}}{0,4} - \sqrt{36} : 2 =$$

Riješi brojni izraz i zaokruži tačan rezultat :

a) 33 p) 72 m) 118

5. Izračunaj površini pravouglaonika ako je data dijagonala $d = 15$ cm i jedna stranica : $a = 12$ cm .

Izračunaj : $4^3 - (-6 + 5)^4 - 11^2 : (-8 + 3)^2 =$

$$0,4 \cdot \sqrt{6\frac{1}{4}} - \frac{1}{10} \cdot \frac{5}{2} + \frac{3}{5} \cdot \sqrt{25} - 12 \cdot \sqrt{\frac{1}{9}} =$$

7.Riješi brojni izraz i zaokruži slovo ispred tačnog odgovora :

a) 8 b) 7 c) $-\frac{1}{4}$

8.Riješi jednačinu : $x^2 + 4x + 4 = 0$

9. Dopuni : Ako bilo koje dvije tačke A i B pripadaju mnogouglu i duž $\overline{AB}$ također pripada tom mnogouglu, onda je taj mnogougao _____ .

10. Koji mnogougao ima pet puta više dijagonala nego stranica ?

11. Od ponuđenih jednačina saznaj koja ima rješenje $x = 2$.

a) $5(x-1) = 15 - 2(x+3)$; b) $-7x+13 = 28 - 8x$; c) $3-x - (8-11) = -5 + 2$


12. O kojem matematičaru je riječ : Izmjerio je visinu piramide na osnovu njene sjene .

13. Kojem najmanjem skupu pripadaju dati brojevi : -2 , $\sqrt{16}$, $\frac{45}{9}$, -4 , -5423 , $\frac{2}{3}$, 3.02


14. Zbir unutrašnjih uglova je 1440 ° .Odredi o kojem je mnogouglu riječ ?

15. Za 6 sveski potrebno je 2,4 KM.Koliko je potrebno novca za 15 sveski ?

16. Odredi x u proporciji $16 : x = x : 25$




Križaljku priredile učenice : Hasanović Amra , Husejnović Fatina ,Nuhanović Maida
Nastavnik mentor : Mirnes Poljaković



Rješenje—okrenite stranicu naopako.

LIKOVNI KUTAK



Alina Sejdinović—VI₂



Fatina Husejnović—VIII₃



Alina Sejdinović—VI₂



Bilal Spahić



Harun Omerović




Melika Redžepović—III₃



Nehra Redžepović—III₃

Voditelj likovne sekcije, mentor učenicima predmetne nastave: Eldina Osmanbegović, nastavnica



IN MEMORIAM



Junuzović Mersiha , učiteljica
(1978.-2021.)



Smajlović Mujo, nastavnik
(1961.-2010.)



Hasanović Nijaz, nastavnik,
(1956.-2023.)

Dautović Idriz, učitelj

Alić Mersiha, nastavnica

Muharemović Salko, higijeničar
(1952.-2010.)



Hamidović Mehmedalija Meša,
higijeničar
(1937.-2021.)

Ahmetović Ahmet, ložač
(1954.-2004.)

Omerović Jusuf, domar

Huremović Huso, higijeničar



Zehrudin Karić, učitelj,
(1964.-2023.)

Abdulferhat Latifović, sekretar
(1942-2024.)

ZAHVALE I KONTAKTI

Zahvaljujemo svim nastavnicima, učenicima, roditeljima, Vijeću roditelja i lokalnoj zajednici na podršci i zajedničkom radu.

Kontakt:

Osnovna škola „Sapna“ Sapna

Adresa: Ulica 206. Viteške brigade bb

75411 Sapna

Telefon-fax: 035/599-015, 035/599-016

Email: os.sapna@montk.gov.ba

Web: <https://ossapna.skolatk.edu.ba>



Alina Sejdinović—VI₂



Adna Salihović—VII₁

Nedžla Dedić—VII₁



Vedad Mujić i Anid Sejdinović—I₃



Azra Hasanović—VIII₂